



24. februar 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Malitseqartitsilluni apeqquq politikkikkut inuusuttut suliniaqatigiiffiit tapiissutaasartut pillugit.

(Inatsisartuni ilaasortaq Andreas Uldum, Demokraatit)

Tunngavilersuut:

Nuannaarutigaa Naalakkersuisut uppersarmassuk Sorlaap nakkutigineqarnissaanut akisussaallutik. Paarlattuanilli Kultureqarnermut Naalakkersuisup nakkutilliisussaataaernerminik isumaginninnera torrallataannngilluinnartutut isumaqarfigaara.

Soorunami ajunngilaq ilaasortat allattorsimaffii uannut allanulluunniit tunniunneqarumangimmata – tupaallassimassagaluarungami Naalakkersuisut taakku tunniussimasuuppatigit, taamaakkaluartorli isumaqarpunga suli Sorlammik nakkutilliineq toqqissisimanartumik ingerlanneqanngitsoq. Aamma Sorlak pisuutinnianngilara eqqunngitsuliorsimasutut – takuinnarsinnaavarali paasissutissat pineqarsinnaasut naapertorlugit, arlalinnik pisoqarsimagaluartoq Naalakkersuisut Sorlammik nakkutiginninnerulernissaanut aqqutissiuisunik. Tamanna tunngavigalugu Naalakkersuisut qinnuigissuakka, apeqquqit uku akeqqullugit:

1. Siumup inuusuttaanut ilaasortat amerlassusaat nikerartupilussuupput. 2008-mi 58-iusimapput, 2009-mi ilaasortat amerlisimapput 263-nngorlutik kiisalu 2010-mi ikileqqissimapput 69-nngorlutik. Suna pissutaava Naalakkersuisut pisariaqarsorisimangimmassuk ilaasortat nikerarnerujussuisa misissornissaat?

2. Siumup Inuusuttai ukiuni 2008-miit 2010-mut suliniutinut katillugit taperneqarsimapput 605.821 kuruuninik. Piffissami tassanerpiaq Siumup Inuusuttaasa ingerlatsinermut



tapiissutisaraat 130.000 koruunit. Assersuutigalugu partiit inuusuttai allat (IA-p inuusuttai, Demokraatit Inuusuttai, Atassutip Inuusuttai) suliniuteqarnerminnut tapiissutisisimapput 85.000 koruuninik ingerlatsinermullu 55.000 koruuninik. Taamaasilluni tapiissutitut tunniunneqartartut assigiinngitsupilussuupput, tassa Siumup Inuusuttaanut kiisalu partiit allat inuusuttaannut tunniunneqartut assigiinngitsupilussuupput. Aamma ajortoqartariaqanngikkaluarpoq, kisianni aningaasat tunniunneqarsimasut annertussusaat ima assigiinngitsigaat, Naalakkersuisut nammineerlutik misissuisimasariaqaraluarlutik paasiniaarlugu suut tamarmik pissusissamissut innersut. Suna pissutaava Naalakkersuisut isumaqarsimannngimmata misissuisoqartariaqartoq, soorunami partiit inuusuttaannut tapiissutigineqarsimasut amerlassusaat taama assigiinngitsigisut? Tamatumunnga atatillugu aamma soqutiginassaaq paasissallugu, suliniutinut sorpianut tapiisoqarsimansoq? Taamaattumik Naalakkersuisut qinnuigerusuppakka, 2008-mi, 2009-mi aamma 2010-mi suliniutit tapiiffigineqarsimasut suuneri nassuiaqqullugit. (Siumup Inuusuttai 605.821 koruuninik taperneqarpoq, IA-p inuusuttai 50.000 koruuninik kiisalu Atassutip Inuusuttai 35.000 koruuninik).

3. Naalakkersuisut isumaqarpat politikikkut inuusuttut kattuffiinut tapiissutinik tunniussisarneq pissusissamisoortumik pisartoq imaluunniit eqqarsaatigineqarpa periutsinik allanngortitsinissaq?

Apeqqutit ullut sulliviit qulit iluani akeqquneqarput.